

Aktiviti Tambah Nilai di Zon Perindustrian Bebas (FIZ)

1. Aktiviti selain pengilangan yang boleh dijalankan dalam FIZ adalah aktiviti tambah nilai dan aktiviti tambahan seperti berikut:
 - a. Aktiviti tambah nilai
 - i. Penyelidikan dan pembangunan (*Research and Development*);
 - ii. Rekabentuk (*Product Design*);
 - iii. Pemasaran (*Marketing*), hanya bagi pengilang berstatus *International Procurement Centre* (IPC);
 - iv. Pengagihan (*Distribution*), hanya bagi pengilang berstatus *Regional Distribution Centre* (RDC);
 - v. Kawalan mutu (*Quality Control*);
 - vi. Pengujian dan Pentauliahan (*Testing and Commissioning*) termasuk Penentukan dan Konfigurasi (*Calibration and Configuration*);
 - vii. Pelabelan, Pembungkusan dan Pembungkusan semula (*Labelling, Packaging and Re-Packaging*); dan
 - viii. Pengilangan Semula, Pembaikan dan Perkhidmatan Servis (*Re-manufacturing, Repairing and Servicing*).
 - b. Aktiviti Tambahan

Pengurusan Rantaian Bekalan (*Supply Chain Management*), Operasi Perolehan Strategik dan Penyelesaian Sokongan Menyeluruh (*Strategic Procurement Operation and Total Support Solution*).
2. Kelulusan adalah tertakluk kepada definisi, skop, kriteria dan syarat-syarat yang telah ditetapkan sahaja. Permohonan yang tidak mematuhi mana-mana kriteria dan syarat yang ditetapkan perlu dikemukakan kepada Kementerian Kewangan Malaysia.
3. Kriteria permohonan bagi aktiviti tambah nilai dan aktiviti tambahan adalah seperti berikut:

- a. Syarikat hendaklah beroperasi di dalam kawasan FIZ;
- b. Aktiviti tambah nilai berkaitan adalah berhubungkait dengan aktiviti pengilangan utama;
- c. Aktiviti pengilangan seperti yang diluluskan di dalam Lesen Pengilangan di bawah Akta Penyelarasaran Perindustrian 1975 hendaklah diteruskan;
- d. Aktiviti tambah nilai ini hanyalah aktiviti sampingan sahaja yang mana nilai jualan barang yang terhasil daripada aktiviti ini tidak melebihi 40% daripada nilai jualan tahunan syarikat. Syarat ini tidak terpakai untuk syarikat yang berstatus IPC dan RDC.
- e. Syarikat perlu membuat pengasingan dari segi operasi / peralatan / kemudahan / mesin di antara aktiviti pengilangan dengan aktiviti tambah nilai di dalam premis kilang.
- f. Syarikat dikehendaki menyimpan rekod yang teratur dan lengkap bagi bahan mentah / komponen yang diimport dan dieksport untuk semakan stesen kastam yang mengawal.
- g. Produk / keluaran siap yang diluluskan bagi aktiviti tambah nilai hendaklah dikembalikan kepada pelanggan. Walau bagaimanapun, penjualan kepada pengilang FIZ adalah dibenarkan dengan syarat digunakan sebagai bahan mentah bagi tujuan pengilangan syarikat berkenaan. Syarat dan kemudahan ini tidak terpakai untuk syarikat yang berstatus IPC, RDC dan bagi aktiviti pelabelan, pembungkusan atau pembungkusan semula.
- h. Syarikat perlu menyediakan akaun yang berasingan bagi aktiviti tersebut dan boleh diakses pada bila-bila masa yang dikehendaki oleh stesen kastam yang mengawal.
- i. Pengecualian ini boleh ditarik balik pada bila-bila masa tertakluk kepada dasar dan perundangan semasa. Jika duti / cukai berkenaan dikehendaki dibayar semula, maka Bil Tuntutan (*Bill of Demand*) hendaklah dikeluarkan dalam tempoh 30 hari dari tarikh surat pemansuhan, pembatalan atau penarikan balik pengecualian bagi menuntut semula duti / cukai.
- j. Syarikat hendaklah mematuhi syarat / peraturan yang ditetapkan oleh JKDM dan undang-undang serta peraturan lain yang sedang berkuatkuasa.

4. Kriteria / syarat khusus yang perlu dipatuhi bagi beberapa aktiviti tambah nilai seperti berikut:
 - a. Pelabelan, pembungkusan atau pembungkusan semula (*Labelling, Packaging or Repackaging*).
 - i. Label negara asal pengeluar (*country of origin*) tidak boleh diubah.
 - ii. Aktiviti pelabelan yang dibenarkan adalah apabila berlaku keadaan di mana pengilang menjalankan aktiviti campuran (*consolidation*) atau pembungkusan semula yang menyebabkan perubahan isi kandungan ataupun bentuk pembungkusan. Dalam keadaan demikian, label baharu yang menunjukkan maklumat terkini hendaklah dipamerkan.
 - b. Pemasaran (*marketing*), hanya bagi pengilang berstatus *International Procurement Centre (IPC)*
 - i. Syarikat telah memperoleh kelulusan status IPC daripada MIDA;
 - ii. Mematuhi semua syarat-syarat IPC; dan
 - iii. Senarai barang untuk aktiviti IPC adalah berdasarkan kelulusan daripada MIDA.
 - c. Pengagihan (*distribution*), hanya bagi pengilang berstatus *Regional Distribution Centre, RDC*.
 - i. Syarikat Syarikat telah memperoleh kelulusan status RDC daripada MIDA;
 - ii. Mematuhi semua syarat-syarat RDC; dan
 - iii. Senarai barang untuk aktiviti RDC adalah berdasarkan kelulusan daripada MIDA.
 - d. Pengilangan Semula, Pembaikan dan Perkhidmatan Servis (*Remanufacturing, Repairing and Servicing*).
 - i. Aktiviti ini hanya dibenarkan bagi produk elektronik, elektrik, mesin dan peralatan;

- ii. Syarikat perlu mendapatkan sokongan daripada MIDA;
 - iii. Mendapat kelulusan daripada Jabatan Alam Sekitar bahawa tiada *generation of toxic waste*;
 - iv. Sebarang bentuk pelupusan di dalam negara ke atas sisa hasil daripada aktiviti ini adalah tidak dibenarkan; dan
 - v. Produk yang gagal menjalani aktiviti tambah nilai ini hendaklah dipulangkan semula kepada pelanggan asal.
- e. Pengurusan Rantaian Bekalan, Operasi Perolehan Strategik dan Penyelesaian Sokongan Menyeluruh (*Supply Chain Management, Strategic Procurement Operation and Total Support Solutions*).
- i. Pembekalan dan pengedaran bahan mentah, komponen dan barang siap dalam kumpulan syarikat yang sama (dalam dan luar negara) atau *contract manufacturer*;
 - ii. Pembekalan kepada syarikat dalam kumpulan yang sama atau di kalangan *contract manufacturer* di dalam negara adalah tertakluk kepada duti dan cukai (jika berkenaan); dan
 - iii. Hanya senarai barang yang diluluskan oleh stesen kastam yang mengawal dibenarkan untuk aktiviti ini.
5. Syarikat hendaklah mengemukakan permohonan kepada Stesen kastam yang mengawal merangkumi dokumen-dokumen seperti berikut:

Bil	Aktiviti	Dokumen	
		Khusus	Umum
a)	Penyelidikan dan pembangunan	-	i) Surat iringan (<i>covering letter</i>); ii) Borang Permohonan;
b)	Rekabentuk	-	iii) Kebenaran beroperasi di dalam kawasan ZPB;
c)	Pemasaran (IPC)	i) Surat kelulusan MIDA,	
d)	Pengagihan (RDC)	ii) Senarai barang diluluskan MIDA.	
e)	Kawalan mutu	-	

Bil	Aktiviti	Dokumen	
		Khusus	Umum
f)	Pengujian dan Pentauliahan termasuk Penentukan dan Konfigurasi	-	iv) Salinan Lesen ICA; v) Carta aliran proses kerja.
g)	Pelabelan, Pembungkusan dan Pembungkusan	-	
h)	Pengilangan Semula, Pebaikan dan Perkhidmatan Servis	i) Surat sokongan daripada MIDA, ii) Kelulusan daripada Jabatan Alam Sekitar, iii) Kelulusan daripada agensi-agensi lain (jika berkaitan).	
i)	Pengurusan Rantaian Bekalan, Operasi Perolehan Strategik dan Penyelesaian Sokongan Menyuluruh	i) Permohonan daripada syarikat dalam kumpulan atau <i>contract manufacturer</i> , ii) Senarai barang dan kuantiti yang dipohon oleh syarikat dalam kumpulan atau <i>contract manufacturer</i> , iii) Perjanjian atau dokumen lain yang menunjukkan hubungkait dengan pemohon	

6. Kuantiti barang yang boleh dipertimbangkan untuk kelulusan adalah berdasarkan anggaran (*estimated*) yang dipohon sebagaimana dinyatakan di dalam dokumen sokongan yang dikemukakan.

7. Kelulusan boleh dipertimbangkan bagi tempoh tidak melebihi satu (1) tahun.
8. Bagi aktiviti pemasaran (IPC) / Pengagihan (RDC);
 - a. Barang yang dipohon dan boleh dipertimbangkan hendaklah selari dengan senarai barang yang diluluskan oleh MIDA.
 - b. Sebarang perubahan atau penambahan barang untuk aktiviti IPC / RDC perlu mendapat kelulusan daripada pihak MIDA terlebih dahulu.
9. Mekanisma kawalan bagi aktiviti tambah nilai dan aktiviti tambahan adalah seperti berikut:
 - a. Maklumat bahan mentah / komponen yang dikeluarkan daripada premis bagi tujuan aktiviti Pengurusan Rantaian Bekalan, Operasi Perolehan Strategik dan Penyelesaian Sokongan Menyeluruh hendaklah direkodkan dengan sempurna.
 - b. Sekiranya terdapat bahan mentah / komponen yang telah diluluskan untuk aktiviti Pengurusan Rantaian Bekalan, Operasi Perolehan Strategik dan Penyelesaian Sokongan Menyeluruh yang tidak dapat diakaunkan, kekurangan duti dan cukai terlibat hendaklah dibayar.
 - c. Senarai nama syarikat untuk aktiviti Pengurusan Rantaian Bekalan, Operasi Perolehan Strategik dan Penyelesaian Sokongan Menyeluruh yang diluluskan adalah seperti yang dinyatakan di dalam syarat kelulusan.
 - d. Sekiranya bahan mentah / komponen tersebut tertakluk kepada Perintah Kastam (Larangan Mengenai Eksport) 2017, permit / dokumen kelulusan yang berkaitan hendaklah disertakan.
 - e. Sekiranya bahan mentah / komponen tersebut tertakluk kepada duti eksport, pembayaran duti hendaklah dijelaskan sebelum pelepasan eksport dilakukan. Bagi jualan ke pasaran tempatan, pembayaran duti dan cukai terlibat (jika ada) hendaklah dijelaskan sebelum ianya dilepaskan daripada kawalan kastam.
 - f. Pemohon dikehendaki menyimpan rekod pergerakan barang serta dokumen sokongan, kelulusan dan ikrar eksport untuk tujuan semakan kastam.